



Seksjon stab - Politisk og administrativt sekretariat

Vår ref: 2018/803-3

Dato: 07.05.2018

Til: Karin Thauland

Frå: Bente Høyland

Høringsuttale - Temaplan for landbruk

Kvinnherad kommunestyre hadde saka føre i møte 26.04.2018 som sak 2018/24.

Vedlagt fylgjer utskrift av møteboka der vi syner til vedtaket.

Høringsuttalen er sendt Hordaland fylkeskommune 2.5.2018.

Saksframlegg

Kvinnherad kommune

Saksmappe

2018/803-2

Saksbehandlar

Karin Thauland

Saksgang		
Saksnr	Utval	Møtedato
2018/24	Kommunestyret	26.04.2018

Høyringsuttale Temaplan for landbruk i Hordaland 2018 - 2022

Innstilling frå rådmannen:

Kvinnherad kommunestyre ser positivt på at det vert utarbeidd ein temaplan for landbruket i Hordaland. Landbruket er ein svært viktig næring for kommunen. Kommunen har starta arbeidet med å lage landbruksplan. Temaplanen vil gje eit nyttig grunnlag for dette arbeidet.

Det er positivt at planen sett fokus på jordvern , landbruket sitt betydning for verdiskaping og rolle i samband med eit grønt skifte.

Det er nyttig for kommunen å få eit oversyn over utvikling fordelt på kommunane.

Vi ønskjer at det og kjem fram i planen kor mykje areal som er godkjend nydyrka i perioden i dei ulike kommunane.

Behandling i Kommunestyret den 26.04.2018

FORSLAG TIL NYTT PUNKT:

FRÅ ØYVIND UTNE, H:

Planen må ta opp beitenæringa som tema. Kva beiting tilfører og utfordringar der t.d. hyttebygging fortrenger beitedrift.

FRÅ SYNNØVE SOLBAKKEN, AP:

Temaplanen bør og omtala geit som ein del av smådyrhusaldet i Hordaland. Tradisjonane er lange for produksjon av ost og er det eit potensiale i auka bruk av kjeikjøt. Geitehald er kulturlandskapspleie og ei satsing i tråd med Regional matstrategi med særleg fokus på lokal matproduksjon og opplevingsbasert reiseliv.

FRÅ KJETIL MEHL, SP:

Det er viktig for utviklinga i jordbruket å oppretthalda gode landbrukskontor i kommunane. Kvinnherad kommune er eit godt døme på dette.

FRÅ GRUPPELEIARANE:

Kvinnherad kommunestyre ber rådmannen leggja fram sak kva gjeld kommunalt dyrkingsbidrag. Det skal og utgreiast bidrag til oppattgrøfting av allereie dyrka mark.

RØYSTING:

Rådmannen si innstilling vart samrøystes vedteken. Framsette forslag til nye punkt – samrøystes.

Vedtak frå Kommunestyret den 26.04.2018

Kvinnherad kommunestyre ser positivt på at det vert utarbeidd ein temaplan for landbruket i Hordaland. Landbruket er ein svært viktig næring for kommunen. Kommunen har starta arbeidet med å lage landbruksplan. Temaplanen vil gje eit nyttig grunnlag for dette arbeidet.

Det er positivt at planen sett fokus på jordvern , landbruket sitt betyding for verdiskaping og rolle i samband med eit grønt skifte.

Det er nyttig for kommunen å få eit oversyn over utvikling fordelt på kommunane.

Vi ønskjer at det og kjem fram i planen kor mykje areal som er godkjend nydyrka i perioden i dei ulike kommunane.

Planen må ta opp beitenæringa som tema. Kva beiting tilfører og utfordringar der t.d. hyttebygging fortrengr beitedrift.

Temaplanen bør og omtala geit som ein del av smådyrhusaldet i Hordaland. Tradisjonane er lange for produksjon av ost og er det eit potensiale i auka bruk av kjekjøt. Geitehald er kulturlandskapspleie og ei satsing i tråd med Regional matstrategi med særleg fokus på lokal matproduksjon og opplevingsbasert reiseliv.

Det er viktig for utviklinga i jordbruket å oppretthalda gode landbrukskontor i kommunane. Kvinnherad kommune er eit godt døme på dette.

Saksutgreiing:

Hordaland fylkeskommune har sendt ut framlegg for Temaplan Landbruk 2018 -2022 - Ei levande næring for framtida- ut på høyring med frist 1.5.2018.

Planen skal bidra til å sikre bærekraftig vidareutvikling av landbruket i Hordaland

Hovudmål er å styrke lønsemda i hordalandslandbruket, auke produksjon på lokale ressursar og betre rekrutteringa til landbruket.

Det er tidlegare utarbeidd Landbruksmelding for Hordaland 2014-2017 og Strategi for forvaltning av midlar til rekruttering og utdanning i landbruket 2011.2015.

Temaplanen vert ein plan med heimel i regional planstrategi og regional næringsplan.

https://www.hordaland.no/globalassets/for-hfk/politikk/hoyringer/hoyring_temaplan_for_landbruk_hordaland_2018_2022.pdf

Voss, Kvam og Kvinnherad er dei kommunane med høgast sysselsetting i landbruket. Lønsemda i jordbruket på Vestlandet har lege under gjennomsnittet for landet i den siste ti-årsperiode. 54 % av mjølkeproduksjon i Hordaland vert produsert i ei tre kommunane i tillegg til Etne.

4% av arealet i fylket er jordbruksareal. 42 % av areal i drift er leigejord , og leigeandelen aukar. Mange har kortsiktige avtaler som fører til usikkerheit med omsyn til å ta over og mindre satsing på investeringar i jordforbetring.

Planen oppmodar til ei langsiktig prinsipp for arealbruket i samfunnsdelen av kommuneplan og synleggjort i arealdelen . Jordvern skal ligge inne som ein premiss for kommuneplanlegginga. Beredskap og auka sjølvforsyningsgrad skal være i fokus. I Kvinnherad syner figur 4 at det er bygd ned ca. 38 dekar i året, medan talet nedbygd i prosent av jordbruksarealet er lågt i høve til dei fleste andre kommunane.

I planen er det lagt sterkt vekt på jordvernet som er naudsynt for å sikre ressursane. Målet er å redusere nedbygginga av jordbruksareal i fylket til maksimalt 240 dekar årleg i samsvar med dei nasjonale mål om å halvere tal dekar nedbygd jord.

Biomasse frå jord og skog kan verte ein viktig del av eit grønt skifte
Stimulere til auka verdiskaping i verdikjeda til frukt - og bærproduksjon og auke bærekrafta i mjølk og kjøtt produksjon.

20 % av arealet i Hordaland er dekkja av skog. Planen tek sikte på å betre infrastruktur og auke kompetanse for å auke berekraftig avverking og uttak av biomasse. Det vert særskild fokusert på skogen som bidragsytar til betre klimatilpassing og samfunnstryggleik. Omgrepet vernskog er forankra i skoglova og syner til strategisk planting av tenlege artar på rett plass for å binde jord og hindre ras og flom.

Transportkostnader i skogbruket på Vestlandet er om lag 30 % høgare enn på Austlandet

Temaplan for landbruk skal støtte opp om forskning og utvikling for å få fram ny kunnskap , driftsmetodikk og digitale løysingar tilpassa produksjonar og driftstilhøve i Hordaland.

Det er sett fokus på mjølk og kjøttproduksjon som er berebjelke i landbruket her. Planen peikar på sauehaldet er eit godt døme på god nytting av lokale ressursar og for å plei kulturlandskapet. Hordaland er det fylket der flest av jordbruksbedriftene har sau (70%),

Planen syner til potensialet for å auke produksjon av grønsaker, frukt og bær og ulike tilleggsnæringar som mellom anna tek sikte på vidareforedling av landbruksprodukt

Tilråding:

Kvinnherad kommunestyre ser positivt på at det vert utarbeidd ein temaplan for landbruk. Landbruket er ein svært viktig næring for kommunen.

Det er nyttig å få statistikk med oversyn over utvikling på kommunenivå.

Det bør og kome fram i planen kor mykje areal som er nydyrka sett i samanheng med jordbruksareal areal nedbygd.

